

ram ecclesie sancte Crucis Northusensis predicte per serenissimum dominum, dominum Lud(wicum)¹⁰ Romanorum regem et semper Augustum, ad quem ratione imperii ipsius prepositure collatio pertinet, presentatum litteris presentacionis sue nobis ostensis, petens a nobis humiliter se de ipsa prepositura investire et, prout ad nostrum spectat officium, confirmari: nos itaque iuxta doctrinam apostoli¹¹ nemini volentes imponere cito manum discretionis vestre in virtute sancte obediencie et sub pena suspensionis districte precipimus et mandamus, quatenus vos ambo vel alter vestrum, prout requisiti fueritis, in dicta Northusensi ecclesia proponatis publice (!) proclamacionis edictum, ut omnes, qui sua crederint interesse, sabbato, quod est vigilia Palmarum¹², compareant coram nobis proposituri, si quid proponere habeant vel voluerint, contra presentacionem huiusmodi vel presentatum. Alioquin si in dicto termino nullus apparuerit contradictor, nos ad investiendum eundem Johannem de dicta prepositura et ad confirmacionem ipsius, prout ad nostrum pertinet officium, auctoritate ordinaria procedemus. Reddite litteras sigillatas in signum execucionis facte.

Datum^m Frankenvort Nonas Marcii.

III

Erzbischof Peter von Mainz setzt dem Prokurator Dietrich von Kelbra den 22. April 1320 als Beweistermin für seine Behauptung, Ludolf von Salina sei der rechtmäßige Propst von Nordhausen.

Aschaffenburg, 1320 März 23.

Überlieferung: *Biblioteca Apostolica Vaticana, Cod. Vat. lat. 3981 (fol. 33^r) Nr. 3.*

Petrus, dei gracia sancte Moguntine sedis archiepiscopus, sacri imperii per Germaniam archicancellarius. Ad presentacionem perⁿ serenissimum dominum nostrum, dominum Ludwicum Romanorum regem semper Augustum, prepositure ecclesie Northusensis, Moguntine dyocesis, ratione imperii verum patronum ad eandem preposituram de persona Johannis dicti de Fleckenstein, canonici ecclesie sancti Widonis Spirensis, nobis factam

m) *folgt gestrichen de Hs.*

n) *quam Hs.*

¹⁰) Ludwig IV., Herzog von Bayern, König 1314, Kaiser 1328, †1347.

¹¹) Vgl. 1. Tim. 5, 22.

¹²) 1320 März 22.